

Pagtanom og mga Kahoy



Ni Falefatu L., edad 9, Tuamasaga, Samoa

Talofa! Kumusta!

Bag-ohay lang ang among Primary naghimo og serbisyo sa komunidad sa pagtabang sa kalikopan. Hapit wala ko maka-adto tungod kay nagpuyo ko layo sa simbahan, apan mapasalamaton kaayo ko nga ang akong mga lider sa Primary mipasakay nako.

Sa dihang miabot kami sa nahimutangan sa proyekto, lapokon kini, bugnaw, ug basa. Apan wala kana makapugong kanamo! Ang matag bata gihatagan og usa ka kahoy nga itanom, ug ang among mga lider sa Primary mipakita namo kon unsaon sa pagtanom niini. Samtang nagtrabaho kami, among nakat-onan kon ngano nga importante kaayo ang mga kahoy.

Akong nakat-onan nga ang mga kahoy makatabang sa pagpanalipod sa yuta. Naghatag nato kini og mga prutas, tambal, ug tabla. Naghatag usab nato kini og oxygen nga magamit sa pagginhawa.

Ang akong mensahe ngadto sa tanan mao nga kita kina-hanglang magtanom og daghan pa nga mga kahoy! Ug mangita og mga paagi aron makatabang sa pagserbisyo sa komunidad. Mapasalamaton ko alang niini nga kasinatian ug sa tanan nga natudlo niini kanako. ●

“Ang pag-amuma sa yuta ug sa atong natural nga kalikopan usa ka sagrado nga responsibilidad nga gitugyan kanato sa Dios.”

Bishop Gérald Caussé, “Ang Pagkatinugyanan sa Yuta,” *Liahona*, Nob. 2022, 58.

NAHIBALO BA KAMO?

Ang usa ka dakong kahoy makasangkap og usa ka adlaw nga suplay sa oxygen alang sa upat ka tawo!